



KOMUNIKADU IMPRENSA

FUNDU MINA-RAI RELATÓRIU TRIMESTRÁL DA-HA'AT (Q4) 2025

Lei Fundu Mina-Rai estipula katak Ministériu Finansas maka estabelese estratéjia investimentu no Banco Central de Timor-Leste (BCTL) maka halo jestaun operacional ba investimentu.

Nune'e, BCTL lansa Relatóriu Trimestrál Fundu Mina-Rai Timor-Leste nian ba trimestre da-ha'at 2025 ne'ebe termina iha loron 31 fulan Dezembru. Relatóriu ne'e hatudu katak **kapítal/Balansu** Fundu Mina-Rai nian iha trimestre ne'e maka **billiaun \$18,61**, kompara ho **billiaun \$18,95** iha trimestre da-toluk 2025 nian.

Relatóriu ne'e mós hatudu katak **total reseitas** ne'ebe simu iha trimestre ne'e hamutuk **token \$11,37** no **rendimentu brutu husi investimentu** hamutuk **token \$251,64**, kompostu husi **kupaun/funan** no **dividendu** ne'ebe simu hamutuk **token \$91,48** no **mudansa iha valór merkadu** nian hamutuk **token \$160,15**. Nune'e, **rendimentu** ba karteira Fundu Mina-Rai ba trimestre ida ne'e husi **merkadu finanseiru** maka **1,68%**, kompara ho nia sasukat (*benchmark*) **1,58%**.

Iha trimestre ida ne'e, **total osan ne'ebe dada/sai** husi Fundu Mina-Rai hamutuk **token \$604,34**, neébe **token \$600 transfere ba Konta Tezouru** atu finansia Orsamentu Estadu no **token \$4,34** hodi selu **kustu jestaun investimentu**.

Iha tinan 2025, Fundu Mina-Rai **loke ho balansu billiaun \$18,27** no to'o iha fulan Dezembru 2025 **total reseitas** hamutuk **token \$36,12**, **total retornu husi investimentu** (hafoin hasai despesa no impostu) maka **billiaun \$1,75**, no **total transferénsia** ba Konta Tezouru maka **billiaun \$1,45**. **Total retornu investimentu iha merkadu finanseiru** ba tinan 2025 maka **10.41%** kompara ho **referénsia (benchmark) 10,04%**.

Ho nune'e, desde estabesimentu Fundu Mina-Rai, **total reseitas** aproximadamente **billiaun \$25,28**, **total retornu husi investimentu iha merkadu finanseiru** hamutuk **billiaun \$12,03** ho **média retornu anual 4,67%**, no **total levantamentu** hodi **finansia Orsamentu Estadu** hamutuk **billiaun \$18,86**.

Relatóriu trimestrál, lei Fundu Mina-Rai nian nomós Akordu Jestaun Operasionál, disponivel iha portal Banku Central de Timor-Leste nian <https://www.bancocentral.tl>

Dili, 09 Feveiru 2026

Tobias Ferreira
Diretor Ezekutivu

BANCO CENTRAL DE TIMOR-LESTE

Avenida Bispo Medeiros
P.O.BOX 59 - DILI
TIMOR-LESTE

T: +670 331 371 2 / 4 / 5 / 8
F: +670 331 371 3 / 6 / 7
E: [info\(at\)bancocentral.tl](mailto:info(at)bancocentral.tl)